

Era istòria de Crea & Ajuda

Nòm: _____

Grop: _____

Ua empresa familiar comprometuda damb era innovacion entà facilitar era vida des persones vielhe e es persones damb discapacitat.

En un petit pòble, Vilalta, plaçat ath costat dera carretèra qu'amasse Guissona e Ponts, i viuien ueit familhes. Ua d'eres, era familia Torra Sorribes, ère composada pes pairs, dus hilhs e es pair-sénhers.

Un bon dia es pairs decidiren començar un negòci ben apròp de Vilalta, en pòble de Cabanabona. Dauriren un bar restaurant entà aufrir ua oportunitat laborau as sòns hilhs. Atau non aurien d'anar-se'n tà un aute lòc.

Mès tard, er an 2001, era familia inaugurèc, ath costat deth restaurant, ua residència tà gent d'edat. En Cabanabona non n'í auie cap e, ath delà, supausaue nau lòcs de trabalh ena zòna. Mès er esperit empenedor dera familia non acabèc damb era dubertura d'aguest darrèr negòci, se non que tot just començauè.

Com qu'es germans Torra èren en contacte cada dia damb gent vielha, sigueren conscients des sòns besonhs, sustot en çò que tanh ara mobilitat. En conseqüència, construïren ua cagira tà ajudar a méter as pair-sénhers en lhet e tà trè-les-ne sense auer de lhear-les en braça e sense que se maregen o senten dolor.

Eth procès de creacion dera cagira auèc lòc en talhèr deth pair. Prumèr la dessenhèren, dempús investiguèren quini èren es materiaus avienti entà bastir-la, ara seguida trobèren es pèces de besonh e, ara fin, la fabriquèren. Era cagira ja ère prèsta! Mès era invencion non auèc eth succès demorat perque se tractaue d'un element nau qu'eth mercat desconèishie e non acceptaue.

Maugrat açò, es frairs Torra artenheren damb aguesta invencion eth primèr rèpte dera empresa familiar Crea & Ajuda, inaugurada er an 2003, que se dedique ath sector geriatric e assistenciau.

Eth sòn objectiu ei desvolopar, fabricar e comercializar productes sanitaris, de qualitat e a un prètz rasonable, que faciliten era vida quotidiana des persones vielhes e es persones damb discapacitat. Un exemple des sòns productes actuaus son es grues que se venen per tota Espanha.

Era familia Torra Sorribes ei un exemple d'union, persistència e illusion entà amiar tà deuant un projècte en qué cren e qu'aufrís un clar servici d'ajuda as auti.

Se vòs saber mèns informacion sus Crea & Ajuda, consulta era plana web:
<http://solmats.com>



VOCABULARI

Innovacion: accion d'innovar.

Innovar: introdusir nauetats (en quauquarren).

Geriatric: relatiu o apertenent ara geriatria.

Geriatría: especialitat medicau dedicada ara tèrcera edat.

Sanitari: nòm generic de cada un des aparelhs e installacions de neteja e igièna des crambes de banhs.

SINONIMS

Persisténcia: continuïtat, permanéncia.

Union: connexion.

1 AUEM CURIOSITAT

1. En quin pòble o ciutat viues? I tròbes de mens bèth negòci que hèsque mès facila era vida des abitants de bèra manèra? Escriu-ac e dempús comenta er exercici damb es tòns companhs e eth tònn professor o era tua professora.

.....

2. Dèisha volar era tua imaginacion e inventa un objècte util entara casa, eth trabalh, eth léser, etc. Hè aguesta activitat damb un grop de companhs de classa.

.....

3. Pòs explicar bèra istòria, aventura o anecdòta qu'ages viscut damb es tòns pair-sénhers o qu'eri f'agen explicat? En cas que non siguen vius, bèra ua que f'agen condat es tòns pairs?

.....

4. Qué ne penses des residéncias tara gent d'edat? Entre toti hètz un debat ena classa e da-ne era tua opinion.

.....